



# Trojica osumnjičena zbog mita unutar zeničkog zatvora

Policijski službenici Državne agencije za istrage i zaštitu izvršili akcije pod kodnim nazivom "Značka"

PISE: ZEDA

**P**olicijski službenici Državne agencije za istrage i zaštitu SIPA preksinoć su u okviru akcije "Značka", a postupajući po naredbama Općinskog suda u Zenici, lišili slobode Mugdima M. (1958.), Seada S. (1953.) i Z. M. (1959.). Prve dvije imenovane osobe zaposle-

nici su Kazneno-popravnog zavoda zatvorenog tipa u Zenici, i to jedna kao pomoćnik direktora KPZ sektora za odgoj, a druga je obavljala poslove odgojitelja. Kako se neslužbeno spominje, treći je zatvorski čuvar. Njima se spočitava da su za novac činili razne ustupke pojedinim osuđenima, koji bi na račun njihovih 'uputa' češće izlazili na slobodu, a i unutar zatvorskih zidina bi bili bolje tretirani nego ostali. Inače, ova akcija se pripremala nekoliko mjeseci.

Osobe su lišene slobode zbog postojanja osnovane sumnje da su izvršile kazneno djelo organizirani kriminal iz člana 342. KZ FBiH, u vezi s kaznenim djelom, iz člana 380. KZ FBiH, primanje dara i drugih oblika koristi, kaznenim djelom iz člana 383. KZ FBiH, zloupotreba položaja ili ovlaštenja, i kaznenim djelom, iz člana 33. KZ FBiH, pomaganje. Kako je navedeno u službenom priopćenju SIPA-e lišene osobe će nakon izvršene kriminalističko-tehničke obrade u službenim prostorijama SIPA-e biti predane Županijskom tužiteljstvu Zeničko-dobojske županije na daljnje postupanje. U okviru ove akcije izvršeni su pretresi stambenih objekata koje koriste osumnjičene osobe na području općine Zenica, kao i pretres službenih prostorija u Kazneno-popravnog zavodu Zenica, u kojem su zaposlene dvije osobe lišene slobode. Aktivnosti na ovom predmetu se nastavljaju, a o rezultatima javnost će biti naknadno informirana.